

書名 唐詩品彙九十卷拾遺十卷 嘉靖十六年序刊本  
 撰者 明 高棟 輯  
 卷 卷三十二  
 內容分類 集-總集-各代-唐  
 索書號 集部-總集-35  
 編號 D7841100

# 卷三十二

彩色首頁1

東洋文化研究所漢籍目錄 編號: D7841100  
 東洋文化研究所漢籍目錄所藏漢籍善本全文影像資料庫 索書號: 集部-總集-35  
 漢籍善本全文影像資料庫文本 唐詩品彙九十卷拾遺十卷 嘉靖十六年序刊本  
 版權所有: 東京大學 東洋文化研究所  
[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暈皎月澄輕素  
 恍說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪  
 蕭來儀玄鶴紛成列去茲鄭衛聲雅音方可悅

三

新寧高棟編

唐詩品彙卷之三十一

唐詩品彙卷之三十二

七言古詩


接武上

劉長卿 二十首

王昭君歌

自矜嬌艷色不顧丹青人誰知粉繪能相負却使容  
華翻悞身上馬辭君嫁驕虜玉顏對人愁不語北風  
鴈急浮雲秋萬里獨見黃河流纖腰不復漢宮寵雙  
蛾長向胡天愁琵琶絃中苦調多蕭蕭羌笛聲相和  
誰憐一曲傳樂府能使千秋傷綺羅

銅雀臺



嬌愛更何日高臺空數層含啼映雙袖不忍看西陵  
漳水東流無復來百花輦踏為蒼苔青樓月夜常寂  
寞碧雲日暮空徘徊君不見鄴中萬事非昔時古人  
不在今人悲春風不逐君王去草色年年舊宮路宮  
中歌舞已浮雲空指行人往來處

新安送陸澧歸江陰

新安路人來去早潮復晚潮明日知何處潮水無情  
亦解歸自憐長在新安住

長沙贈衡岳祝融峯般若禪師

般若公般若公負鉢何時下祝融歸路却看飛鳥外  
禪房空掩白雲中桂花窠寥閑自落流水無心西復

東

明月灣尋賀九不遇

楚水日夜綠傍江春草滋青青遙滿目萬里傷心歸  
故人川上復何之明月灣南空所思故人不在明月  
在誰見孤舟來去肯

送友人東歸

對酒灞亭暮相看愁自深河邊草已綠此別難為心  
關路迢迢足馬羸垂楊寂寂數鶯飛憐君獻策十餘  
載今去猶爲一布衣

入桂渚次砂牛石穴

扁舟傷歸路日暮瀟湘深湘水清見底楚雲淡無心

片帆落桂渚，獨夜依楓林。楓林月出，猿聲苦。桂渚天寒，桂花吐。此中無處不堪愁。江客相看淚如雨。

贈湘南漁父

聞君何所適，漠漠逢烟水。獨與不繫舟，往來楚雲裏。釣魚非一歲，終日只如此。日落江清，桂檝遲。纖鱗百尺深，可窺沉鈎垂。餌不在，得白首。滄浪空自知。

送姨子弟往南郊

一展慰久闊，寸心仍未伸。別時兩童稚，及此俱成人。那堪這會面，遽已悲分手。客路向楚雲，河橋對衰柳。送君疋馬別河橋，汝南山郭寒蕭條。今我單車復西上，郎去灞陵轉惆悵。何處共傷離，別心明月亭亭兩相望。

相望

客舍喜鄭三見寄

客舍逢君未授衣，閉門愁見桃花飛。遙想故園今已爾，家人應念行人歸。寂寞垂楊映深曲，長安日暮靈臺宿。窮巷無人鳥雀閑，空庭新雨莓苔綠。此中分與故交疎，何幸仍回長者車。十年未稱平生意，好得辛勤謾讀書。

嚴陵釣臺送李康成赴江東使

潺湲子陵瀨，髮鬢如在目。七里人已非，千年水空綠。新安江上孤帆遠，應逐楓林千萬轉。古臺落日共蕭條，寒水無波更清淺。臺上漁竿不復持，却令猿鳥向

人悲難聲山翠至今在遲爾行舟晚泊時

觀李湊所畫美人障子

愛爾含天姿丹青有殊智無間已得象象外更生意  
西子不可見千載無重還空令浣紗態猶在含毫間  
一咲豈易得雙蛾如有情牕風不舉袖但覺羅衣輕  
華堂翠幕春風來內閣金屏曙色開此中一見亂人  
目只疑行到雲陽臺

送賈三北遊

賈生未達猶窘迫身馳疋馬邯鄲陌片雲郊外遙送  
人斗酒城邊莫留客顧予他日仰時髦不堪此別相  
思勞雨色新添漳水綠夕陽遠照薊門高把袂相看  
本共緇窮愁只是惜良時亦知到處逢下榻莫滯秋  
風西上期

送郭六侍御之武陵郡

常愛武陵郡美君將遠尋空憐世界迫孤負桃源心  
洛陽遙想桃源隔野水閑流春自碧花下常迷楚客  
船洞中時見秦人宅落日相看斗酒前送君南望但  
依然河梁馬首隨春草江路猿聲愁莫天丈人別乘  
佐分憂才子趨庭兼勝遊澧浦荊州行可見知君清  
興滿滄洲

齊一和尚影堂

一公住世忘世紛暫來復去誰能分身寄虛空如過

客心將生滅是浮雲蕭散浮雲往不還淒涼遺教沒  
仍傳舊地愁看雙對在空堂只是一燈懸一燈長照  
恒河沙雙對猶落諸天花天花寂寂香深殿苔蘚蒼  
蒼閉虛院昔余精念訪禪扉常接微言清道機今成  
寂寞無所得惟共門人淚滿衣

聽笛歌留別鄭協律

舊遊憐我長沙謫載酒沙頭送遷客天涯望月自沾  
衣江上何人復吹笛橫笛能令孤客愁綠波淡淡如  
不流商聲凜亮羽聲苦江天寂歷江楓秋靜聽關山  
聞一叫三湘月色悲猿嘯又吹楊柳激繁音千里春  
色傷人心隨風飄何何處落唯見曲盡平湖深明發

與君離別後馬上一聲堪白首

望龍山懷道士許法稜

心惆悵望龍山雲之際鳥獨還懸崖絕壁幾千丈綠  
蘿孀孀不可攀龍山高誰能踐靈原中蒼翠晚嵐烟  
瀑水如向人終日迢迢空在眼中有一人披霓裳誦  
經山頂飡瓊漿空林閑坐獨焚香真官列侍儼成行  
朝入青霄禮玉堂夜掃白雲眠石牀桃源洞裏居人  
滿桂樹山中住日長龍山高高遙相望

戲贈于越左子歌

鄱陽女子年十五家本秦人今在楚厭向春江空浣  
紗龍宮落髮披袈裟五年持戒長一食至今猶自顏

如花亭亭獨立青蓮下  
忍草禪枝繞精舍  
自用黃金買地居  
能嫌碧玉隨人嫁  
北客相逢疑姓秦  
鈇華拋却仍青春  
一花一竹如有意  
不語不咲能留人  
黃鸝欲栖白日暮  
天香未盡經行處  
却對香爐閑誦經  
春泉漱玉寒泠泠  
雲房寂寂夜鍾發  
吳音清切令人聽  
人聽吳音歌一曲  
杳然如在諸天宿  
誰堪世事又相牽  
惆悵回船江水綠

時平後送范倫歸安州

昨聞戰罷圖麟閣  
破虜收兵卷戎幟  
滄海初看漢月明  
紫微已見胡星落  
憶昨扁舟此南渡  
荊棘烟塵滿歸路  
與君携手姑蘇臺  
望鄉一日登幾回  
白雲飛鳥去寂寞  
吳山楚岫空崔嵬  
事往時平還舊丘  
青青春草近家愁  
洛陽舉目今誰在  
潁水無情應自流  
吳苑西人去欲稀  
留連一日空知非  
江潭歲盡愁不盡  
鴻鴈春歸身未歸  
萬里遙縣帝鄉憶  
五年空帶風塵色  
却到長安逢故人  
不道姓名應不識

疲兵篇

驕虜乘秋下薊門  
陰山日夕烟塵昏  
三軍疲馬力已盡  
百戰殘兵功未論  
陣雲決濟屯塞北  
羽盡紛紛來不息  
孤城望處增斷腸  
折劍看時可霑臆  
元戎日夕但歌舞  
不念關山久辛苦  
自矜倚劍氣凌雲  
却咲聞笳淚如雨  
萬里颼颼空此身  
十年征戰老胡塵  
赤心

報國無片賞白首還家有幾人朔風蕭蕭動秋草旗  
旌獵獵榆關道漢月何曾照客心胡笳只解催人老  
軍前仍欲破重圍閨裏猶應愁未歸小婦十年啼夜  
織行人九日憶寒衣飲馬滹河晚更清行吹羌笛遠  
歸營只恨漢家多苦戰徒令遺鏃滿長城

錢起 十三首

行路難

君不見明星映空月太陽朝昇光盡歇君不見凋零  
委路蓬長風颺舉入雲中由來人事何常定且莫驕  
奢笑賤窮

效古秋夜長

秋漢飛玉霜北風掃荷香含情紡織孤燈盡拭淚相  
思寒漏長簷前碧雲淨如水月吊栖烏啼鴈起誰家  
少婦事鴛機錦幕雲屏深掩扉白玉窓中聞落葉應  
憐寒女獨無依

盧龍塞行送韋掌記

雨雪紛紛黑山外行人共指盧龍塞萬里飛沙咽鼓  
鼙三軍殺氣凝旌旆陳琳書記本翩翩料敵張兵奪  
酒泉聖主好文兼好武封侯莫比漢皇年

送馬明府赴江陵

陶令南行心自永江天極目澄秋景萬室遙方大不  
鳴雙鳧下處人皆靜清風高興得湖山門柳蕭條雙



翟閑黃花滿把應相憶落日登樓北望還

送崔十三東遊

千里有同心十年一會面當杯緩箏柱倏忽催離燕  
丹鳳城頭噪晚鴉行人馬首夕陽斜灞上春風留別  
袂關東新月宿誰家官柳依依兩鄉色誰能此別不  
相憶

送崔校書從軍

鴈門太守能愛賢麟閣書生亦投筆寧惟玉劍報知  
已更有龍韜佐師律別馬連嘶出御溝家人幾夜望  
刀頭燕南春草傷心色薊北黃雲滿眼愁聞道輕生  
能擊虜何嗟少壯不封侯

賦得青城山歌送楊杜二郎中赴蜀軍

蜀山西南千萬重仙經最說青城峯青城嶽峯倚空  
碧遠壓我眉吞劔壁錦屏雲起易成霞玉洞花明不  
知夕星臺三妙逐王師阮瑤軍書王粲詩日落後聲  
連玉笛晴來山翠傷旌旗綠羅春月營門近知君對  
酒遙相思

送張將軍西征

長安少年唯好武金殿承恩爭破虜沙場烽火隔天  
山鏃騎西征幾歲還戰處黑雲霾瀚海愁中明月度  
陽關玉笛聲悲離酌晚金方路極行人遠計日霜戈  
盡敵歸回首戎城空落暉始咲子卿心計失徒看海

上節旄稀

送鄔三落第還鄉

鄔客文章絕世稀，常嗟時命與心違。  
十年失路誰知已，千里思親獨遠歸。  
雲帆春水將何適，日愛東南暮  
山碧。關中新月對離樽，江上殘花待歸客。  
名宦無嫌自古遲，窮途此別不堪悲。  
荷衣垂釣且安命，金馬招賢會有時。

畫鶴篇

省中作

點素凝姿任畫工，霜毛玉羽照簾櫳。  
借問飛鳴華未上，何如粉績絲屏中。  
文昌宮近芙蓉闕，蘭室氤氳香且結。  
鑪氣朝成縹嶺雲，銀燈夜作華亭月。  
日暖花明，燕歸應驚片雪在，僊闈主人願盼千金重。  
誰肯徘徊五里飛。

送畢侍御謫居

崇蘭香死玉貞折，志士吞聲甘殉節。  
忠盡不爲明主知，悲來莫向時人說。  
滄浪之水見心清，楚客辭天淚滿纓。  
百鳥喧喧噪一鷄，上林高枝亦難託。  
寧嗟人世棄虞翻，且喜江山得康樂。  
自憐黃綬老嬰身，妻子朝來勸隱淪。  
桃花洞裏舉家去，此別相思復幾春。

送傅管記赴蜀軍

終童之死誰繼出，燕頷儒生今俊逸。  
主將早知鸚鵡賦，飛書許載蛟龍筆。  
峨眉玉壘指霞標，鳥沒天低幕

府遙巴山雨色藏征旆漢水猿聲咽短簫賜壁腰金  
應可料才畧縱橫羊且妙無人不重樂毅賢何敵能  
富魯連嘯日暮黃雲千里昏壯心輕別不銷魂勸君  
用却龍泉劍莫負平生國士恩

送褚大落第東歸

離琴彈苦調美人慘向隅頃來荷策干明主還復扁  
舟歸五湖漢家側席明敷久豈意遺賢在林藪玉堂  
金馬隔青雲墨客儒生皆白首昨夢芳洲採白蘋歸  
期且喜故園春稚子只思陶令至文君不馱馬卿貧  
矧中風月久相憶池上舊遊應再得酒熟寧孤芳杜  
春詩成不枉晴山色念此那能不羨歸長楊諫獵事  
皆遺他日東流一乘興知君爲我掃荆扉

韓翃九首

送客還江東

還家不落春風後數日應沾越人酒池畔花深聞鶯  
闌橋邊雨洗葺鴉柳遙怜內舍着新衣復向隣家醉  
落暉把手閑歌香橘下空山一望鷓鴣飛

送客之江寧

春流送客不應賒南入徐州見柳花朱雀橋邊看淮  
水烏衣巷裏問王家千間萬井無多事闢戶開門向  
山翠楚雲朝下石頭城江鷺雙飛瓦棺寺吳士風流  
甚可親相逢嘉嘗自應新從來北地夸羊酪自有尊

羨却人

和高平朱參軍思題作

髯參軍髯參軍身為北州吏心寄東山雲坐見萋萋  
芳草綠遙思往日晴江曲刺船頗向剡中回捧被曾  
過越人宿花裏鶯啼白日高春樓把酒送車螯狂歌  
好愛陶彭澤佳句唯稱謝法曹平生樂事多如此忍  
為浮名隔千里一鴈南飛斷客心思歸可待秋風起

贈別王侍御赴上都

翩翩馬上郎執簡佩銀章西向洛陽歸鄩社迴頭結  
念蓮花府朝辭芳草萬歲街暮宿春山一泉塢青青  
對色傷行衣乳燕流鶯相間飛遠過三峰臨八水  
尋佳賞備如此殘花片片細柳風落日踈鍾小槐雨  
相思掩泣復何如公子門前人漸踈幸有心期當小  
暑葛衣紗帽望迴車

題玉山觀禪師蘭若歌

玉山宴坐移年月錫杖承恩詣丹闕先朝親與會龍  
華紫禁鳴鍾白日斜宮女焚香把經卷天人就席禮  
袈裟禪林久臥雨溪水蘭若初開鳳城裏不出翬塵  
見遠公道成何必青蓮宮朝持藥鉢千家近暮倚繩  
牀一室空掖垣揮翰君稱美遠客陪游問真理薄宦  
深知誤此心迴心願學雷居士

寄哥舒僕射

萬里長城家一生唯報國腰垂紫文綬手控黃金勒  
高視黑稍翁送吞白騎賊先麾牙門將轉鬪黃河北  
帳下親兵皆少年錦衣承日繡行纏轡寶劍初出  
鞘宛轉角弓新上絃步人抽箭大如笛前把兩矛後  
雙戟左盤右射紅塵中鷓入鴉群有誰敵殺將破軍  
白日餘迴旃舞折北風初群公楯鼻好磨墨走馬為  
君飛羽書

送中兄典邵州

官騎連西向楚雲朱軒出餞晝紛紛百城兼領安南  
國雙筆遙揮左君一路諸侯爭館穀洪池高會荆  
臺曲玉顏送酒銅鞮歌金管留人石頭宿北鴈初回

江燕飛南湖春暖着春衣湘君祠對空山掩漁父焚  
香日暮歸百事無留到官後重門寂寂垂高柳零陵  
石缺過香溪洞口人來飲醇酒登樓暮結邵陽情萬  
里蒼波烟靄生他日新詩應見報還如宣遠在安城

送萬臣

漢相見王陵楊州事張禹雲帆水蘭曳水國蓮花府  
百丈清江十月天寒城鼓角曉鍾前金爐促膝諸曹  
吏玉管繁聲羨少年有時過向長干地遠對湖光近  
山翠好逢南苑看人歸也向西池留客醉踈柳垂烟  
橘帶霜朝將石渚莫橫塘紅箋色奪風流座白紵詞  
傾翰墨場夫子前年入朝後高名籍籍時賢口共吟

詩興轉清新遠繼家聲在此身屈指待為青鑲客回頭莫羨白亭人

別汜水陳縣尉

未央宮殿金開鑰詔引賢良卷珠箔花間賜食近丹墀煙裏揮毫對青閣萬年枝影轉斜光三道先成君激昂谷永直言身不顧却說高地轉名香綠槐陰陰出關道上有蟬聲下秋草奴子平頭駿馬肥少年白鬚登王畿五侯客舍偏宿留一縣人家爭看歸南向千峰北臨水佳期當地應窮此賦詩或送鄭行人舉酒常陪魏公子自憐寂寞會君稀猶着前時博士衣我欲低眉問知己若將無用廢東歸

唐詩品彙卷之三十二

唐詩品彙卷之三十二